

11.

DEO DUCE
MEDITATIO S. EVANGELII
DOMINICÆ I. POST
CIRCUMCISIONEM
CHRISTI
Additis S. Patrum dictis, Quæstio-
numq; aliquot decisione, ad ubiorem textus, cùm opus est,
explicationem, & Heterodoxorum refutationem.

QUAM
In Regia Aboënsi Academia.
P R E S I D E
DN. ÆSCHILLO PETRÆO
S. S. Theol. Doct. Profess. & Civitatis ejusdem Pastore.

Examini subiicit, in Auditorio Majori, boris soliti-
Ad diem Junij Anno 1649.

ANDREAS ÆSCHILLI PETRÆUS.

A *Cypr: de Baptif: Christi:*

Veniebat Christus ad Baptismum non egens lavacro, in quo peccatum non erat, sed us
Sacramento perennis daretur authoritas, & tanti virtutem operis nulla personas
rum acceptio commendaret; quoniam remissio peccatorum, sive per baptismum,
sive per alia sacramenta daretur, propriè est Spiritus S. & ipsi solius huius efficien-
tiae privilegium manet.

B *Fulgentius de fide ad Pet: c. g.*

Firmissime, tene, illam vocem, qua solus locutus est Deus pater: Et illam carnem qua
solus homo factus unigenitus Deus; & illam columbam, in cuius specie Spiritus S.
super Christum descendit; illasq; lingvas, in quarum visione Apostoles replevit,
opera esse totius S. Trinitatis.

A B O È.

Excudebat Petrus Wald/ Acad. Typogr. anno 1649.

Speciosissimo & Prudentissimo
Viro,

Dn. M. CAROLO Pomerening!
S. R. M. tis & Regni Sveciae, in Muschovia Residenti
fidelissimo, Avunculo suo charissimo, Fautori ac
Promotori officioso colendo S.

MEDIA, AVUNCULE CHARISIME, QUIBUS STUDIORUM NOSTRORUM FINES COM-
MUNI PHILOSOPHORUM SUFFRAGIO, ASSEQUI VALEMUS; SUNT NATURA, IN-
STITUTIO & EXERCITATIO: & QUIDEM EA NECESSITATE JUNCTA UT SI QUODDAM HOS-
RUM ABFUERIT, OMNES NOSTRI CONATUS IRRITI, & LABORES VANI SINT FUTURI. NO-
NATURA SINE ARTE, NEQ; ARS SINE PRÆDIO NATURA SUFFICIT; UT NEC ARS SINE EX-
ERCITATIONE. SED SICUT CACA EST, SINE DISCIPLINA NATURA ITA DISCIPLINA SINE NA-
TURA; IN UTRAG, EN. PARUM MOMENTI FUERIT, EXERCITIUM SI SUBTRAXERIS. UT N. AGER,
SI NON COLATUR, INQUIT PLUT: NO SOLUM INFRUGIFER MANET, SED SYLVESCIT ETIAM:
ITA ADOLESCENS BONA LICET INDOLIS, NIJI PRECEPTU HONESTIA EXerceatur, NON
SOLUM NON EVADET BONUS, SED AD MULTA VITIA FLECTETUR. HINC DEMOSTHENES
CUM SABI NON TAM ARTEM, QUAM ACTIONEM & PRONUNCIATIONEM DEESE AN-
NIMAD VERTERET, IN SUBTERRANUM LOCUM DOMI SUA, SINGULIS DIEBUS DESCEN-
DIT, ACTIONIS FORMANDÆ, VOCISQ; COMPOSENDÆ CAUSA. HAC CUM ALIQUOT
PRAEFLANTISSIMI JUVENES S. THEOLOGIA STUDIOSISSIMI, IN HAC ACADEMIA ABOÖN-
SI, AD OPTIMA QUÆG; INSTITUTI, INTELLIGERENT, AD IPSUM USUM IN HAC FACUL-
TATE UT PERVENIRENT, HOMILIAS IN EVANGELIA ANNIVERSARIA, PRIVATIM &
PUBLICÆ DISCUTIENDAS SUSCIPERE GESTIEBANT. HORUM EXEMPLO & EGO EXI-
TATUS, HOMILIAM HANC IN TEXTUM DE BAPTISMO CHRISTI, SUB PRÆDIO PLURI-
MUM REVERENDI PATRIS MEI, VENTILANDAM PROPOSUI. QUAM TUO NOMI-
NI AVUNCULE CHARISIME, CONSECRARE VOLUI, UT PRO TUO MEI AMORE, GRATIA
AUDINEM & OBSERVANTIAM AD QUAM TIBI ME OBLIGATUM AGNOSEO, QUALICUNQ;
modo DECLARENZ. TUI ITAQ; HONORANDE DOMINE AVUNCULE, PATRONE MAGNE, HOC
QUALECUNQ; DEVOTIONIS MEÆ MUNUS, BENEVOLENTIÆ AMPLECTERE, MAIUS DEO DUCS, MAIOR
DABIT ATAS. EGO INTERIM, UT IN ME GRATI ANIMI LADEM NON REQUIRAS, SEDULÙ CURABO. HIS
DEO UNICE COMMENDATUS, VALE.

Aboe ipsis Cal:

ANDREAS A. PETRAEUS,



DOMINICA PRIMA POST CIRCUMCISIONEM CHRISTI.

In Sancta & Summe Laudande Trinitatis Patris, Filii
& Spiritus Sancti Nomine.

Scribit Moses Exod. 3. 3. Quod cum vidisset an-
gelum Iehovae sibi in flamme ignis ē medio cuiusdam rubi,
cumq; assiceret, quod rubus ille ardebat igne, nec tamen rubus
consumebatur, tum dixerit Moses: divertam nunc ut videamus
visionem istam magnam, quare non comburatur rubus iste;
videns autem Iehova ipsum divertere ad aspiciendum, iussus
est à Deo ne appropinquaret, nisi prius extraheret calceamenta
sua à pedibus suis, siquidem locus in quostaret, terra sancta esset.
Quo ipso admonemur, vñ ex eo, quod Moses gestivit
videre hanc visionem magnam, debere nos promptos
esse & alacres ad contemplandā divina mysteria, & tam-
diu relinquere hæc secularia. Ex eo verò quod Moses
jubetur prius extrahere calceamenta, monemur reveren-
tiæ in contemplandis divinis mysterijs, ne tribuamus no-
bis aliquid iudicij de illis, contradicentes verbo Dei de
his mysterijs, sed ut simpliciter acquiescamus verbo Dei,
quamvis intellectu mysteria ista comprehendere non
valeamus. Hæc admonitio, etiam in explicatione ho-
dierni Evangelij locum habet, in quo maximum visuri
sumus mysterium & magnam quandam visionem.

Oremus autem Deum, ut illud ita meditari queamus, ut ce-
dat in nomine Divini gloriam, nobis in augmentum & in-
crementum doctrina & bonorum operum, in spem & fiduciam
& tandem in aeternam beatitudinem. Dicamus igitur Pater no-
stror, &c.

EVANGEL: Matth.3: 13. ad finem.

Tunc ascendit Iesus a Galilaea ad Jordanem ad Iohannem ut baptizaretur ab illo. At Johannes prohibebat illum dicens, mibi opus est ut abs te baptizer, Es tu venis ad me; Respondens autem Iesus, dixit ad illum, Omitte nunc. Sic enim decet nos, ut compleamus omnem justitiam. Tunc dimittit illum. Et baptizatus Iesus ascendit protinus ab aqua. Ecce aperi sunt coeli, Es vidit Spiritum Dei descendenter tanquam columbam Es venientem super ipsum. Es ecce vox de coelis dicens, hic est filius meus dilectus in quo mihi bene complacitum est.

Sanctus Matthæus commemorat 1. in hoc Evangelio, quod Johannes baptista cæperat suo fungi officio, prædicando & baptizando, quodq; per multos habuerat audidores. De Christo etiam locutus est Johannes baptista, ostendens magnum inter se & Christum esse discrimen, & quod Johannes sit solummodo minister fundens aquam super homines qui baptizabantur, Christoq; longe sit inferior, qui virtutem peccata tollendi; aquæ confert, & quod Christus discrimen sit facturus inter verè penitentes & dignè Sacramento baptismi & indignè eo utentes, quos igni inextingibili ad judicabit. 2. In eo ipso temporis momento inquit Evang: Cum Johannes sic concionaretur, de Christo, venit Christus ex suâ patriâ Gealilæâ, petens sibi administrari baptismum a Iohanne, quam petitionem Iohannes primò quidem Christo denegat, prætendens suam indignitatem, & quod conveniens esset, ut ipse a Christo baptizaretur. Cum autem

autem CHR istus instat reddens petitionis suæ causam: Si-
ne fieri inquit, ut impleamus omnem iustitiam: tum Ios-
hannes obsequitur eumq; baptizat. 3. Refert quoq;
Evang. Quod Christo baptizato & ex aqua ascendentia
aperti cœli sint, & Spiritus Dei descenderit sicut columba,
& venerit super Christum, quod etiam audiverit Iohan-
nes vocem ex cœlis dicentem: Hic est filius meus di-
lectus, in quo mihi complacuit.

Informamur in hoc Evangelio, de Baptismo & illius in-
stitutione; ubi ostenditur baptismum esse divinitus insti-
tutum. Deinde hic fides nostra egregie confirmatur
de S. Sancta Trinitate, Filius secunda persona in Iorda-
ne baptizatur. Spiritus S. Apparet super filium in spe-
cie columbae. Vox Patris de cœlo auditur: hic est filius
meus dilectus.

P A R T E S.

I. De Christi Baptismo.

II. S. S. Trinitatis manifestatione.

Atq; hæ sunt istæ partes, quas hac vice breviter & sim-
pliciter tractare constituimus: Omnipotens & aeternus
Deus Pater noster cœlestis dilectissimus, nobis omnibus benedi-
cat, cunctaq; utiliter & fructuose cedere faciat.

P A R S P R I M A.

In qua meditamur.

I. Tempus, quando Christus

baptizatur.. Tunc venit Christus ex Galilæa ut baptize-
retur à Iohanne, vñ, cum S. Iohannes in ipso esset opere,
concionaretur & baptizaret, tunc venit Jesus petens bap-
tismum, cum Iohannes auditores suos informasset de
Christi adventu, & summam expectationem adventus
illius

illis in illis **exitasset**. Dicit enim Luc: tunc Christum baptizatum cum omnis populus baptizaretur, unde constat præter Baptistam multos alios spectatores & testes fuisse eorum, quæ acciderunt cum Christus baptizaretur. Ideò enim vocatur manifestatio coram Israele Ioh. 1. 31.

L. C. 1. Christus venit oportuno tempore, cum ejus manifestatio quam commodissimè coram Israele fieri potuit, in tanto hominum concursu; & postquam Iohannes suà prædicatione auditorum corda præparasset ad seriam expectationem adventus ejus. Hoc Christi exemplum monemur, occasionem rerum agendarum minimè negligendam. Salomon idipsum monet Eccl. 3. Quodlibet hominis opus requirit tempus, si prosperè velimus id succedere.

L. C. 2. Postquam Iohannes malleo legis corda auditorum contudisset, veram contritionem in illis **excitas**, venit Christus; sic obstinati peccatoribus prius prædicanda est lex, postea verò oleum Evangelij infundendum: Animæ famelicæ cibus Spiritualis benè sapientia anima saturata etiam favum mellis conculeat. Prov. 27. Et Christus laborantes & onerantes ad se invitat Matth. 11.

II. Locum, i. Unde Christus

venerit ad Iohannem. IESUS venit ex Galilæa & quidem Nazareth ubi apud parentes obseurus & quasi faber substi erat usq; ad annum suum 30. Marcus addit, à Nazaret Galileæ. Quò indicatur quod Christus hactenus sub obedientiâ Mariæ & Iosephi vixerit Nazarethi, nunc verò relicto Nazaretho, venerit in Iudæam ad Iohannem. Potuisset quidem Christus in Galilæa baptismum suscipere, & Iohannem vocare ad se, potuisset ibi sese manifestare, sed aliter visum patri cœlesti, huic Patris sui

be-

beneplacito Christus fatisfacturus, ad locum destinatum
publicæ prædicationi Iohannis Baptistæ se confert.

L. C. Monemur exemplo Christi venientis ad Iohannem non negligendum locum ubi S. ministerium peragitur, non evocandos inde verbi ministros in ædes privatas, sine gravi causâ & evidente necessitate. Sic venit Naeman Syrus, ad Elisæum ut mundaretur per eum à leprâ suâ 2. Reg. 5. Quod dum faciunt, præsertim magnates, ministerio & veritati doctrinæ non exiguam consiliant authoritatem.

2. Locus ad quem Christus se confert & in quô baptizatur. Locus hic fuit Bethabara juxta Iordanem, ibi enim dicitur Iohannes baptizasse Ioh. i: 28. Ubi trajectus fuit, illis qui trans Iordanem proficiisci voluerunt, vel dictus locus iste à miraculo traducti populi Israëlis in terram promissionis, significat hoc nomen Bethabara, domum trajectus sive locum unde transiverunt viatores, per aquam, portitoris operâ adjuti.

L.C. Præbet locus iste circa Jordanem ubi Johañes baptizabat Bethabara vñ. quâ parte olim Josua insigni miraculo populum Israëliticum in terram promissam duxit, pulchram comonefactionem. Quod ut Josua fluenta jordanis dividit, sic Christus ad Iordanem, cœlum dividit, peccatis nostris clausum, producit nos non ad terram Canaan sed in veram Patriam in æternam requiem, unde nunquam ejiciemur. Heb. 10: 20. Preterea sicut apud Jordanem Deus magnificavit Iosuam per transitum Jordanis. Ios. 3. 17. Sic Deus Christum per baptismum in Iordane illustrem & gloriosum reddit, voce cœlitus delata: hic est filius meus dilectus.

III. Colloquium inter Chri- stum

stum & Johannem. Petiverat Christus à Johanne ut si-
bi baptismum administraret, exprimit se hác de causa
advenisse ex Galilæa ut baptizaretur ab eō, ut fateretur hoc
ipso se aliena peccata in se recepisse non imitanda sed ex-
pianda. Iohannes verò revelante Spiritu S. qui ipsi in
utero matris adhuc delitescenti, Christum in utero bea-
tæ Mariæ virginis, revelavit, cum Christum quem de
facie antea non noverat, iam cognovisset; tergiversatur
ad Christi petitionem, & causam exponit quo minus id
facere possit, vñ, quod ipsemet Iohannes opus haberet ut
à Christo baptizaretur. Cum verò Iohannes inquit:
Ego opus habeo à te baptizari, egregiam edit confessio-
nem, de se, & de Christo, de se indigente, & Christo om-
nia perficiente. In hac equidem confessione 1. Indicat
se non posse à peccatis mundari, hæreditatem æternæ vi-
tae accipere nisi per Christum. 2. Quod non possit ap-
plicare sibi sine S. Sancti auxilio, gratiam & Salutem,
quæ Verbo & Sacramentis offertur, Gal. 3: 3. Quod S.
Sanctum nulla ratione possumus promereri, sed hoc
opus solius Christi esse, & ex ejus beneplacito dependere.
4. Rotundè indicat & fatetur se non posse in gratia perse-
verare, & Salutem acceptam & reliqua bene ficia retine-
re, nisi Christus id ipsum suo Spiritu efficiat. (Qu. 1.)
L. C. Ex hác Johannis confessione observandum
quod quantumvis sanctus sibi quis videatur, omnino ta-
men necesse habeat, petere à Christo ut ab illo, Spiritu S.
baptizetur, oportet omnes indigentiam suam confiteri,
quantumvis magnis polleant donis, dona habentibus o-
pus est perseverantia in fide, in spe, in dilectione Dei &
pia conversatione, hoc solum tribuendum est Christo:
initium salutis mudi & ultimum, igitur exclusa est omnis
gloratio, in Domino tñ. gloriari licet, quod sufficientia
nostra ex Deo sit.

IV. jo.

IV. Johannis permissionem

& Christi baptismum. Permissionis hujus causa erat,
quod Christus urgeret suum propositum, dicens: Sine
nunc ita esse, sic decet nos implere omnem justitiam: qua-
si Christus diceret, quamvis verissime docueris de me au-
ditores tuos, quod sim is, qui baptizem Spiritu S. & tu re-
ctè dixeris quod opus habeas ut à me baptizeris, tamen
is est officij mei status, ea est ratio, ut me abs te baptizari,
requirat patris mei cœlestis voluntas, huic satis fieri oportet.
implenda n. est omnis justitia, omne quod ad justi-
tiam hominis pertinet, omne quod expediri oportet, ad
hominis justitiam efficiendam, & quod alijs bono est
exemplo id, non est intermittendum. Requiritur enim
ad hanc justitiam, non solum ut ego victima fiam pro
homine, peccata auferam, perfectissimâ obedientiâ le-
gi satis faciam pro homine, sed etiam ut media illa sancti-
ficem, quibus hæc mea beneficia applicandasunt & distri-
buenda. Cum itaq; Baptismus tale sit medium, placuit
Patri meo cœlesti & mihi, huic ordinationi divinæ sa-
tis facere. Quod verò Christus sic locutus est, ac si par-
tem aliquam ad complendam hanc justitiam Iohanni tri-
bueret, quamvis solus Christus sit qui tollat peccata mun-
di, solus sanctificet nos, per hoc ostenditur quod Chri-
stus agnoscat Iohannem cooperarium Dei 1. Cor. 3: 9.
Quod in eo repositum erat verbum reconciliationis, de
eo exhortante per ipsum 2. Cor. 5. v. 19. 1 pet. 1: 25. Eph.
5. 26. Ideoq; Christus de utroq; verba facit, de se ut de
Domino & authore justitiae, de Iohanne autem ut de mi-
nistro quodam, & S. Johannes antea de Christo coram
toto Israele id ipsum testatus est. Quidam sic intelli-
ligunt Christi responsionem: ut impleamus omnem ju-

stitionem: oportet unumquemque; nostrum facere officium suum. Meum nunc est officium suscipere baptismum, tuum vero administrare, quare uterque nostrum recte fecerit, si officio suo non defuerit. (A)

L. C. 1. Quia Christus Johannem ministrum simul includit in impletione illius iustitiae, quam Christus nobis erat paratus, planum est ministerium verbi non contempnendum esse, nec immediate informationem a Deo de aeterna salute peccatorum remissio, expectandam uti phantasi quidam perhibent, quae falsa opinio solidè refutatur scripturæ oraculo modo recitato, Christus meritus nobis iustitiam, Christus etiam nobis illam applicat & distribuit, in promerendo solus est, in applicando utitur etiam opera ministrorum, ita tamen ut minister sit tantum vox clamantis: Aquæ vero Sanctificatio & efficacia verbi & Sacramentorum sit solius Christi: Hæc ita sunt coniuncta, quod Deus quidem regenerat, sed per verbum. I. Pet. 1: 23. Christus sanctificat & mundat Ecclesiam, sed lavacro aquæ in Verbo Ephes. 5: 26.

L. C. 2. Tune loco bono res sunt in Ecclesia, Politia & Oeconomia, cum quisque suæ vocationi gnaviter incumbit, neque suum officium negligit, neque in aliorum factis se ingerit.

V. Ritum baptismi Christi.

Christus in fluvio Iordanæ baptizatur vulgari aqua, uti aliqui baptizantur, nec ulli peculiares ritus hic leguntur adhibiti, ablutum est corpus Christi aqua Iordanis, sive illud immersione sive perfusione factum fuerit; Sufficit enim si sit ablutio vel lavacrum. I. Cor. 6: 11. Eph. 5: 26. Tit. 3: 5. Tantum aliqua in eo differentia esse videtur, quod ut annuit Evang. Matth. Christus mox ut baptizatus erat,

ascen-

ascenderat ex aquâ, non expectata aliquia Johannis vel informatione vel adhortatione, quæ in aliorum baptissimo fuisse videtur, postquam verò ex aqua ascenderat, se ad orationem in omnium oculis componit, ut Evang: Luc. indicat c. 3: 21.

L. C. 1. Quia Christus baptismum cum nobis peccatoribꝫ communem suscepit, apparet nos per baptismum offici membra ejus, & coalescere quasi cum eo in unum corpus, 1. Cor. 12: 13. Aperitur cœlum baptizato credenti in Christum, in filium Patris dilectum, in quo ipsi bene complacuit, tota adest S. S. Trinitas & baptizatos in filio suo dilecto diligit, ideoq; Baptismus ab Apostolo. 1. Pet. 3: 21. Vocatur stipulatio bona conscientiæ, in baptismo enim interrogatur; an sit homo pacata & tranquilla mente? Respondetur ad interrogationem; Pax est, lætitia est, Deus dilexit nos in dilecto.

L. C. 2. Sacraenta pijs precibus sumenda, post eorum usum, gratiarum actioni & precibus vacandum; ita videamus Christum in usu Baptismi fecisse: Nobis omnibus in exemplum non spectandum modò, sed etiam imitandum.

SECUNDA PARS.

Quomodo Christus à Iohanne in Jordane baptizatus, in primâ parte perceperimus: in secunda quæ post baptismum Christi contigerint miracula, videbimus.
In quâ meditamur.

I. Cœlorum apertione. Dum Christus in ripa Jordanis erat baptizatus, aperiuntur cœli, hoc est, ista pars mundi, quæ propriè cœlum dicitur, visa fuit aperta super solum Christum, in gloriam Christi

sperti sunt cœli. Debebat hæc apertio cœli testimoniū
um esse de coelesti hujus Doctoris & doctrinæ ejus origi-
ne, quæ per ministerium Verbi & Sacramentorum, cœli
portas credentibus reseratura esset: quodq; Christus
suo officio copulaturus esset, quæ in cœlis sunt & quæ in
terra Eph. 1: 10. Quando historias V. T. conferimus,
in quibus fit mentio apertoris cœli, plerumq; fit mentio
ignis, vel splendoris & lucis: Deus inhabitat lucem inac-
cessibilem, cuius specimen aliquod in apertione cœlorum
ostenditur, Ezech. 1:1. 2. Reg. 2:11. Apoc. 4:1. C. 11:19. C. 19: 11.
Col:1:12. Vedit ergo baptista in ripa Iordanis Christū oran-
tem, & sup eum cœlum quasi in duas partes scissum, sicut
Marcus loquitur: Et ex illa scissurā lev apertione (*Qua pro-*
ppter cœli distantiam non potuisset certam personam de-
monstrare & ab alijs distingvere) vedit emicantem, & per
radios è cœlo usq; ad Christum se porrigitem lucem
augustiorem & diviniorem, quam pro hujus mundi ra-
tione. Qualis fuit illa lux quæ Paulum circumfulsit, Act.
9: 3. Cap. 12. v. 6: Cap. 26. v. 13.

L. C. Monemur hâc cœlorum super Christum aperto-
ne per Christum in Iordanē baptizatum propter peccata
nostra clausos cœlos referari. Ipse est qui cœlum ape-
rit, ipse in cœlum ascendit; ille de cœlo descendit, Ioh. 3:
huic ergo cœlum patet, hic solus nobis aditum patefecit,
ita rectè huic animas nostras commendamus dicentes:
in manus tuas Iesu Christe commendo spiritum meum,
Domine Iesu suscipe animam meam. Memento nostri
Domine Iesu qui es in regno tuo, qui in cœlo dominaris,
qui habes claves Paradisi. Respondebit nobis Salvator
noster; Hodiè tecum eritis in Paradiſo.

II. Spiritus S. descensum. In
ipſa

ipsa luce aperti cœli, Spiritus S. columbae corporali spēcie descendendo sensim sive pedetentim se dimisit, donec species illa manens insederet Christo sive maneret super Christum. (Quast. 2.)

L. C. Spiritus S. descensus sup̄ Christum, ostendit ej, non ad mensuram datum Spiritum S. sed largissimè, plenissimè, copiosissimè, Ioh. 3: Unctus enim est Christus oleo latitiae magis quam fratres. Hoc oleum explicat Act. 10. Petrus, cum ait: Deus unxit Iesum Spiritu S. & potentiam: & Esaias 61: in persona Domini Messiae loquitur: Spiritus Domini super me. Quod vaticinium in se impletum Salvator Luc. 4: perspicue testatur. Hic verò nemo cogitet quod iam per hunc descensum Spiritus S. visibilēm, Christus primum unctus sit Spiritu Sancto, sed ut qualis esset Christus, quod donatus & unctus esset Spiritu S. doceret spectatores præsentes, nam Spiritum Sanctum semper habuit. Voluit etiam Christus apparitione & descensu spiritus S. docere, baptizatos in baptismo dōnari Spiritu S.

III. Vocem de cœlo auditam.

inde vox Patris etiam auditur: Hic est filius meus in quo mihi complacuit. Hæc verba: Hic est filius meus; scripta sunt in Psal. 2. Filius meus es tu, ego hodiè genui te. & 2. Sam. 7. scriptum est de Christo: Ego ero ei in partem, & ipse erit mihi in filium. Reliqua: In quo mihi complacuit. desumpta sunt ex Esa. 42. Ubi pater cœlestis sic loquitur: Ecce servus meus! suscipiam eū, Electus meus, complacuit sibi in illo anima mea. B. (Quast. 3.)

L. C. 1. Admonemur Christum, non testimonio humano aut terreno aut nisi ullis alijs quam divinis. Hinc ergò maxime probatur Christi divinitas vñ, ex ore Patris

dicca-

dicentis: Hic est filius meus dilectus. Conticescat ergò humana ratio & fallax, Unigenitum negans Christum esse verum Deum, memineritq; ex hâc Patris voce: In quo complacuit; Patrem antea nobis iratum per solum Chri stum esse nobis reconciliatum; Unde Petrus in Act. Dicit: Non esse præter nomen IEsu, aliud nomen in quo salvi fieri possumus. Act. 4: 12.

L. C. 2. Monet ac docet nos hoc summatim esse credendum in unâ Trinitate tres distinctas Personas, Patrem, Filium, & Spiritum Sanctum. Patris persona loquitur de filio, Filius cōspiciebatur, Spiritus Sanctus in specie columbæ apparet.

Tibi igitur aeterno Patri Domini nostri IEsu Chr: toto peccato nostra in mortem meristi. Et tibi Iesu Christo Domino nostro simul gratias agimus, quod sanguine tuo nos à peccatis nostris ablues & mundes. Tibi etiam Spiritui S. gratias agimus, quod per aquam baptismi nos regeneres & renoves, ut heredes efficiamur iuxta spem vita aeternæ, qui es Deus unus, verus & vivus laudandus in secula.

Benedictio & Claritas, & Sapientia, & gratiarum actio, & honor, & virtus, & fortitudo DEO nostro in Secula seculorum, Amen., Apocal. 7: 12.

QUÆSTIONES.

I.

An Ex verbis Johannis Baptistæ: (Ego opus habeo à te baptizari) Johannem à Christo postea aqua, fuisse baptisatum colligi possit? Neg:

Nam Johannes non expectavit à Christo baptismum a quæ sed spiritus S. Ego baptiso, inquit, aqua, sed qui post me

me venit baptizabit S. San. & hoc baptismō sibi op̄ esse
Iohannes fatetur, ut īz à Christo spiritu baptizetur. Com-
prehenduntur autem sub appellatione baptismi, spiritus
omnia beneficia NT. totum meritum Christi, & appli-
catio ejus: Effundit enim Spiritum regenerationis & re-
novationis ut iustificati ipsius gratia hæredes simus vitæ
æternæ. Tit. 3. confitetur itaq; Iohannes. 1. se non
posse à peccatis mundari & hæredem esse vitæ æternæ
nisi per Christum. 2. quod ad gratiam & salutem, quæ
verbo & Sacramentis offertur, nō possit se applicare nisi.
S. Sancto baptizetur, & S. Sanctum se non posse prome-
teri, sed fide opus est, ut à Christo Spiritu baptizetur. 3.
non posse se ex proprijs viribus aliquid facere nisi spiritu
renovationis donetur à Christo. 4. & quamquam be-
neficia illa jam fide possidebat, tamen, inquit, opus habeo
ut à te baptizer; hoc est, fatetur se non posse in gratia
perseverare & salutem acceptam & reliqua beneficia re-
tinere, nisi Christus S. Sancto hoc in ipso operetur.

2. An columba, vera fuit, an verò species seu
simulacrum solum columbæ in quâ descendit S.
Sanctus? Respon;

Operosè hoc quærendum & disputandum non vi-
detur, non enim agitur de articulo fidej, sufficit simpli-
citer historiam retinere de præsentia & unctione S. San-
cti, quod illa indicata & obsignata sit visibili columbæ
specie. Non enim operum omnium Dei, ratio vel inve-
niri vel reddi potest. Est verò svavissima pictura mini-
sterij, per quod Deus nobiscum agit, quod S. Sanctus
defendit & manet super Christum, qui ad prædicandum
mittitur, nō formidabili aliqua aut nimis augusta specie,
sed

Sed columbina: hoc est, simplici & placida specie, ne abs-
sterreamur ipsum cum fiducia in ministerio accedere, &
quia Christus prædicaturus erat a nūm acceptabilem Do-
mini, placaturus ipsis iram, ideo unctus est Spiritu in
columbae specie, sicut cessante diluvio, columba ramum
oliue ferens nuntiavit iram Dei esse placatam. Gen:
8. de quo Luth: in scholio sic loquitur: Foliū vel oliværa-
mus significat Evangelium, quod Spiritus S. virtute in
Ecclesia semper sonet. Oleum verò significat miseri-
cordiam & pacem, quam docet & offert Fvangelium.

3. Quomodo intelligendum quod vox Patris
describitur apud Marcum in secunda Persona:
Tu es filius meus, apud Matth. in tertia Persona,
ut in hoc textu: Hic est Filius meus ? Resp.

Simpliciter & rectè hoc sic intelligendum, ut vox
illa Patris accepiatur bis repetita: Ad 1. Christum ipsum,
sicuti. Marcus scribit: Tu es Filius meus. 2. Ad Bap-
tistam & reliquos, monstrans ipsis Christum, sicut Mat-
thæus in hoc textu refert: Hic est Filius meus &c. sic &
in vaticinijs Prophetarum, utroq; modo vox illa descri-
bitur, ut Psal. 2. 7. Tu es Eilias meus: sed Esaiæ. 42. 1.
habetur. Electus meus est in quo mihi complacuit; vo-
ce itaq; Patris ad Filium: Tu es Filius meus; ostenditur
quod Filius sit verè constitutus sacerdos in æternum quæ
constitutio describitur psal: 110. Hebr. 7. 17. Voce Pa-
tris: hie est Filius meus; ostenditur, Iohannem Bapti-
stam aliosq; omnes debere discere hunc in Iordane bap-
tizatum, esse Filium Dei; sicuti Iohannes etiam dicit se di-
dicisse ex hac voce patris, hunc Iesum Nacarenum à se
baptizatum, esse Filium Dei & qui in ipsum crederet
haberet vitam æternam.

